



7. august 2011

Inatsisartut suleriaasianni § 37 naapertorlugu Naalackersuisunut apeqqut imaattoq matumuuna saqummiuppara:

Naalackersuisunut Apeqqu:

1. **Nunatsinnit qalerallit 15.000 tons-it 2009-imi suliarinagit annissuutat suliffissaqartit-sisussaagaluartut pillugit Naalackersuisut pilersaaruteqarpat nunatsinni suliarineqartalernissaannik?**
2. **Suliniuteqartoqarpat qaqagu tamanna piviusungussava?**
3. **Uummannap eqqaani ukioq manna qaleralinnik tunisinissamut ullormut kg-lut qassit tunissaneraat aaliangersaasoqaramiuna?**
4. **Ullormut tunisassat aalajangersorneqarnerinut pissutaava uummannap eqqaani qaleralinnik sinniilluni aalisartoqannginnissaa?**
5. **Upernaviup eqqaani umiarsuarmik tunitsiviliinissamut ukioq manna qinnuteqartoqarpat?**
6. **Naalackersuisut ilisimatitsissutigisinnaavaat kikkullu qinnuteqarsimanersut?**
7. **Ukiut siuliini 2010 2009-imilu upernaviup eqqaani umiarsualiinissamut qaleralinnut tunitsivimmik qinnuteqartoqartarsimava?**
8. **Qinnuteqartoqartarsimappat soq upernaviup eqqaani umiarsualiinissamut itigartinneqartarpat?**
9. **Uummannap eqqaani qaleralinnut tunitsivissamik umiarsualiinissamut ukioq manna pilersaaruteqartoqarpat?**

(Inatsisartuni ilaasorta, Kristian Jeremiassen Siumut)

Tungavilersuut

Qaasuitsup Kommunea qaleraleqarfiuvoq taamaattorli suliffissaaleqiffissuulluni, Qaasuitsup Kommunea-ni marts qaammataani inuit 1564-it suliffissaaleqippat qalerallili suliffissaqartitsisusut annissorneqaannarlutik nunat allamiut suliffissaqartinneqarlutik.

Taamaammat Naalackersuisunut apeqqutigivara qalerallit qeritiinnarlugit nunatsinniit annissorneqartartut nunatsinni suliarineqartalernissaat pillugit Naalackersuisut suliniuteqarnerisut.

Qalerallit qerititiinnarlugit annissorneqartartut pillugit suliarineqartalissappata qaqagu piviusungussanersoq Naalackersuisunut tamanna aamma nassuiaqqvara.

Uummannap eqqaani ukioq manna qaleralinnik tunisinissamut ullormut kg-lut qassit tunissaneraat aaliangersaasoqarsimanersoq paaserusuppara iluoornersoq, Uummannap kangerluani innuttaasunit tamanna apuunneqarmat.

Ullormut tunisassat aalajangersorneqarnerinut pissutaanersoq paaserusuppara uummannap eqqaani qaleralinnik sinniilluni aalisartoqannginnissaa anguniarlugu? Isumaqarpunga killilersuisoqalerpat taamatut aalisartunut ilaqutaanullu peqqinnanngitsoq oqarsinnaannginnattami ullormi tassani qalerallit uaniissasut qalerallili tassaapput uumasut uninngaannangittut taamaammat oqarsinnaanngilagut imatut ullumi tunisisoqassasoq, inuunerpummi taamaanngimmat.

Upernaviup eqqaani aamma aalisartut akisunerusumik tunitsiveqarnissartik kissaatigisarpaat taamaammatt paaserusuppara ukioq manna pilersaaruteqartoqarnersoq Upernaviup eqqaani umiarsuarmik tunitsiviliisoqarniarnersoq? Tunitsiviliisoqarniarpammi aalisartukkormiunut aammalu Qaasuitsup kommunea-nut akileraarutigut annerusumik iluaqutaassammatt taamaalilluni aningaasat amerlanerusut sulitinneqalissammata

Paaserusuppara Upernaviup eqqaani qaleralinnut tunitsiviliinissamut 2010-imi aammalu 2009-imi qinnuteqartoqartarsimarnersoq. Qinnuteqartoqartarsimappat soq upernaviup eqqaani umiarsualiinissamut itigartitsisoqartarsimarnersoq aammattaaq paaserusuppara.

Uummannap eqqaani qaleralinnut tunitsivissamik umiarsualiinissamut ukioq manna pilersaaruteqartoqarnersoq aamma paaserusuppara tunitsiviliisoqassappammi aalisartukkunnut aningaasatigut pitsaasumik kinguneqassammatt akit qaffannerisa kingorna, tamannattaarlu Qaasuitsup Kommunea-nut tamanna aamma iluaqutaassaaaq qujanaqisumik.

Kissaatigaara apeqquaqaatikka ullut suliffiusut qulit iluanni akineqareersimanissaat.